


祥符縣志



DS  
796  
K25H73  
1739  
v9







祥符縣志卷之十五

人物志

**忠烈**

唐

格輔元浚儀人希元之弟舉明經武后時累遷御史中丞鳳閣鸞臺同平章事會鳳閣舍人張嘉福等請立武承嗣爲皇太子輔元與文昌右相棘陽岑長倩謂皇嗣在東宮不書奏大忤諸武意來俊臣脇誣輔元與長倩謀反俱斬之子遵



舉明經爲太常寺太祝亡命中牟十餘年中宗  
卽位遵訴父冤狀擢爲贊善大夫

五代

張延朗浚儀人仕唐爲糧料使累遷吏部尚書同  
中書門下平章事判三司晉高祖有異志三司  
財貨在太原者延朗悉調取之高祖銜次骨及  
晉兵入京師延朗遂遇害

劉紹隱浚儀人晉天福中以隊長戍魏博范延光

反紹隱力戰死之



在福字祐之開封人咸平中補衛士累官  
副總管知慶州以破趙元昊功拜神龍衛四廂  
都指揮使會元昊大入寇福力戰身被十餘矢  
有小校劉進者勸福自免福曰吾爲大將兵敗  
以死報國爾揮四面鉄簡挺身決鬪而死子懷  
亮亦死之詔贈福武勝軍節度使錄其子及從  
子凡六人

王珪開封人善騎射累官殿前第一押班趙元昊



入寇珪從任福連戰三日諸將皆敗福陷圍中  
珪復深入賊壁殺數十百人所用鉄鞭杵皆撓  
曲手掌盡裂奮擊自若目中矢乃還中夜卒贈  
金州觀察使子光祖累官涇原等路副總管嘗  
從熊本平瀘夷功第一

劉平字士衡祥符人父凝從太宗征河東有功授  
崇儀使平剛直任俠讀書強記舉進士累官陝  
西都轉運使景祐初以平將家子改龍神衛都  
指揮使歷鄜延路副總管時趙元昊寇



帥師往援與賊大戰衆潰被執死之贈朔方節度使兼侍中諡壯武

郭遵開封人家世以武功稱寶元初累官延州西路都巡檢使會趙元昊寇延州遵入敵陣敵出驍將楊言當遵遵揮鐵杵破其腦復持鐵鎗進所向披靡深入敵中爲攢兵注射死贈果州團練使四子尚幼仁宗皆爲賜名曰忠嗣忠紹忠裔忠緒俱拜近侍官

馬遂開封人爲北京指揮使貝州賊王則叛賈昌



朝使持榜入州招降既見則諭以禍福不答遂奮起抵則扼其喉毆之流血賊黨攢刃縛而支解之事聞贈宮苑使官其五子後得殺遂者驍卒石慶使其子剖心以祭之

趙士隆開封人天聖中以閣門祗候爲邠寧環慶路都監與夏人戰死

郭恩開封人初隸諸班累官秦隴路兵馬鈐轄嘉祐中夏人入寇卧牛峯恩與力戰自旦至晡矢利被執不屈自殺贈同州觀察使錄子第有差



劉鈞開封人嘉祐中監鎮戎兵馬趙元昊入寇與  
子堯卿俱戰死好水川

孫節開封人  
以才勇補右禁侍與狄青同駐延州  
數破敵皆有功又從青討儂智高至歸仁鋪爲  
前鋒搏戰賊銳甚節鏖戰而歿特贈忠武軍節  
度留後

張忠開封人以材武舉累官英州團練使儂智高  
圍廣州忠不介而馳會先鋒遇賊奔忠手拉賊  
帥二人馬陷淖中死焉



安扶開封人觀文殿學士燾子官給事中金人入  
京師死之

郭侯字同升祥符人以父任調東海縣尉歷遷通  
判全州權浮梁宰未行會賊張頂已逼縣境衆  
止之侯曰安逸則就艱危則辭非吾所學竟至  
縣約束吏卒誓以死戰賊聞之僞降旣入邑爲  
變邑官竄伏侯曰吾爲宰義不可去端坐公署  
賊責侯降侯大罵遂遇害詔贈承議郎錄其後



張克戡字德祥開封人侍中耆曾孫舉進士徽宗  
時累官知汾州金人攻汾克戡悉力捍禦久之  
援兵不至城陷率衆巷戰金人欲生致之克戡  
歸索朝服南向拜訖遂自引決一家死者八人  
事聞詔贈延康殿學士追諡忠愍

程廸字惠吉開封人父博古部郎延兵戰死廸以  
廕受官宣和中從楊惟中征方臘有功累遷榮  
州團練使時金人入寇詔以廸提舉永興路軍  
馬措置民兵及永興破廸率其徒奮力與鬪憤



怒大呼口流血士皆感奮持短兵接戰身被創  
殆徧絕而復蘇猶厲聲叱戰不已遂死之詔贈  
明州觀察使諡曰忠愍

呂由誠字子明開封人幼明爽有智畧以父誨恩  
補官後通判成都府知雅嘉溫綿四州皆有治  
績靖康初徙知襲慶府時羣盜蜂起崎嶇至羣  
金兵攻城由誠與判官趙令佳合力固守城陷  
俱被執不屈死

李震祥符人靖康初金人迫京師震時爲小校率



所部三百人出戰殺人馬七百餘已被執  
絕口遂被害

張叔夜字嵇仲開封人靖康初以延康殿學士知  
鄧州朝議四道置帥叔夜領南道都總管金兵  
再至欽宗手劄趨入衛叔夜卽自將中軍其子  
伯奮將前軍仲熊將後軍合三萬人與賊大戰  
斬金貴將二人帝遣使齎蠟書以褒寵及城陷  
叔夜被鎗猶力戰至白溝御者曰過界河矣叔  
夜矍然而起仰天大慟遂卒贈開封儀同三司



諡忠文

何灌字仲源祥符人武選登第累官河東河北制  
置副使數有戰功靖康初金師攻京城灌入援  
既至令控守西隅背城拒戰凡三日被創沒於  
陣子薊閣門宣贊舍人從父戰箭貫左臂病創  
死紹興中贈灌忠正軍承宣使

向子韶字和卿開封人敏中之從孫舉進士累官  
東京轉運使時屬郡郭奉世進萬緡羨餘戶部  
請賞之以勸天下子韶奏言近臣首開聚斂之



端漸不可長士論遽之高宗時出知淮寧府金  
人犯城子韶親擐甲胄率諸弟誓以死守仍遣  
人赴宗澤求援兵未至而城陷子韶爲賊所執  
不屈闔門皆遇害贈通議大夫謚忠毅

唐琦開封人紹興衛士也高宗南渡金將海金琶  
八追至浙江紹興太守李鄴以城降琦性忠勇  
誓以死報國一日鄴方與琶八並馬行琦持二  
大甕登市閣上祝曰願天相我一擊殺此兩賊  
擲之不中中鄴馬琦被執因罵鄴曰我月請官



祥符縣志

卷十五

忠烈

七

一石米且不負國汝受方面之寄甘心降虜尚  
有人心耶琶八怒曰汝欲何以死琦曰我願以  
布裹尸灌以脂焚三日琶八如其言焚之三日  
琦恐琶八追及高宗故焚尸以緩其程至今越  
人義之有唐將軍祠

魏彥明開封人建炎初通判延安府金人陷城彥  
明坐城樓上金人併其家執之諭使速降怒罵  
被殺詔贈中大夫官一子

建炎初開封人宣和六年進士建炎中知彭陽縣金



人執之命以官不受劉麟以禮招致嘉以死拒  
贈奉議郎

謝臯開封人官統制李成陷虢州欲降之臯指腹  
示賊曰此吾赤心也自剖其心以死

高貴祥符人寓居鎮江舉進士累官知高郵府扈  
從之海擢官樞密使遂與陸秀夫同死崖山

元

陳祖仁字子山祥符人好學有文名至正初舉進  
士第一累官翰林學士除叅知政事順帝北遁



祖仁死焉

韓因字可宗祥符人負氣不羣盜據汝寧官軍討之久而不下會朝廷詔赦叛逆募可持詔入賊者因應命乃假以唐州判官使焉賊渠恐納詔不讀縱因歸報因出乘馬周賊屯大言曰汝輩良民何不出降歸田里甘從逆賊驅使耶賊渠聞之追因責其所言因罵賊而死

明

王良字天性祥符人洪武時以刑部郎中擢僉



建文朝歷官刑部侍郎出爲浙江按察使  
嘗謂岳鄂王墓誓曰苟愧忠武非人也靖難  
入慟哭不已會命使召良乃集諸司印凡九  
私第妻問故曰吾分應死未知所以處汝耳妻  
曰君乃爲婦人謀乎卽入後園投池中死良抱  
印積薪自焚後諡忠毅妻諡貞烈

馬振祥符人宣武衛指揮祖俊父義皆死於戰正  
德中流賊作亂振率衆討之至湖廣應山縣大  
戰死事聞詔建世忠坊以旌焉



祥符縣志

卷十五

忠烈

九

李惠字德卿祥符人兵部尚書鉞之子正德丁丑  
進士授行人車駕將南幸惠抗疏諫止帝怒杖  
之卒嘉靖初贈監察御史子昇以廕仕至姚安  
知府

張綸字大經祥符人通春秋補開封府學生嗜酒  
負氣正德間大璫廖堂鎮河南堂弟鵬以媚事  
劉瑾得錦衣衛指揮恣行殘暴綸密疏鵬諸不  
法事將赴闕訐奏鵬持金詣綸求解綸斥之鵬

區人也事下試綸大罵不置鵬乃大杖箠之



獄卒馬玉殺之死之日見夢於母曰兒爲鵬殺  
矣當請於帝也死三日馬玉晝見綸卽暴死世  
廟改元鵬與子鎧皆伏誅

王正志字淑明黃縣令中達子舉萬歷戊戌進士  
授陝西富平縣知縣爲治明肅邑中權貴及大  
猾皆心慴不敢犯會礦稅役興中使乘傳四出  
梁永殘暴尤甚富平部中亡賴子弟及富民怨  
家多附永煽嚇富民奪財產榜笞熱刺發屋椎  
埋百姓不能保旰夕正志捕部民從永爲奸者



收治之姦民亦陰持縣事以求中永怒正志乃  
其疏列永貪虐狀永亦誣奏正志阻撓礦稅逮  
械至京榜之數十繫北寺獄正志讀書不輟著  
有定性諸書繫三年卒正志性孤介家世清貧  
爲孝廉時郡中有豪家坐法郡守劉某欲寬之  
令持貲謁正志卒不受人有過面折亡所容諫  
書至忠臣烈士卽泣下私心向之竟及於禍

邵任字宏若祥符人萬歷癸丑進士由南兵部武  
選司出守山右太原府除稅糧陋例創誠正志



院士民德之累晉山右按察使旋備兵榆林是時闖賊李自成勢方張甚攻破秦晉諸州縣自謂榆林旦暮下卽持僞劄啗任任焚其劄斬其使夜勒兵入賊壘斬獲無算賊怒悉銳來攻勢在不支巡撫鎮將各望風遁去任獨嬰城固守慷慨登陴日以忠義激厲其衆悉出家所儲藏以享壯士誓與城同存亡衆知必死力戰殺賊萬餘級賊祖瑩在任轄邑任檄發之燬蛇蟻數斗賊益憤怒急攻城城壞賊蜂擁入任猶率兵

祥符縣志

卷十一 忠烈

巷戰流血成渠任力誦仰天歎曰臣力竭矣自刎不殊遂被執罵賊而死

夏世英字劍斗祥符人以明經任商邱教諭流寇攻歸德府英罵賊死於明倫堂妻石氏亦縊死另見列女傳

王有根祥符諸生闖寇攻汴有根督義勇社兵直入賊營中箭死有司以禮葬之卹其家

李春桂祥符人官遊擊忠勇過人闖寇攻汴春桂

單騎赴戰殺賊無算右腕中創遂自刎時汴將



周世忠陳宗朱棻魏都白亮采俱與闖寇戰死  
鄭封祥符人崇貞甲戌進士值流寇攻汴封多智  
術有禦賊功歷任廣西巡按克著風節有鐵面  
之目甲申殉節子庚錫另有傳

阮泰字熙陽祥符人由貢生授廣靈令甲申寇變  
不食死後祀鄉賢妻朱氏亦同死另見列女傳  
阮漢聞字太冲本浙人與西亭王孫交好遂居汴  
以尉氏阮故土也徙居焉博覽墳索篤志古業  
中州士翕然從之游戶外履恒滿詔徵遺逸卒

不起崇貞末流寇蹂輦洛間漢聞料賊形勢圖  
上方畧刈賊以千計賊聞必生致漢聞掠尉氏  
諸弟子負漢聞走爲賊所得大罵而死門人張  
昌祚抱其遺集過江大梁周亮工序而刻之  
鄭庚錫封之子也隨父官粵西崇貞甲申封旣殉  
節庚錫慟哭抱父屍水漿不入口者八日乃死  
父子旅櫬煢煢僧舍聞者哀之時封室帑在京  
師者亦悉殉節

史可法字憲之祥符人占籍大興崇貞戊辰進士



累官總漕都御史多惠政而風紀清肅後以大學士兼兵部尚書督師江北出駐揚州事勢不支城破死之遺有乞骸骨塋鍾山書讀者莫不流涕

皇清

楊鑛字泗水祥符人以任子知襄陽府值總兵王光恩叛鑛被執不屈被殺

高元美字君實祥符人貢士任兗州府黃河同知遇賊陷曹邑元美罵賊而死

孝義

唐

張士巖汴州人以孝稱元和時詔旌其門

宋

張仁遇開封人永徽時四世同居

李居正開封人元豐時七世同居

元

杜佑祥符人河南行省署爲三司及水馬驛提領

父成病於家佑忽心驚舉體沾汗卽棄官歸父



病殆遂禱神求代且嘗糞以驗疾父卒廬墓盡  
哀有馴兔之端人以爲孝感云

陳善祥符人事親篤孝詔復其家

韓榮劉斌張裕何泰史恪高成鄧孝祖李文淵杜  
天麟張顯祖俱祥符人居喪廬墓詔並旌之

丁照祥符人八世同居

尹華祥符人至順元年以孝行

明

邱鐸字文振祥符人師事劉基通儒書兼習醫家

言至正末避地四明明初鐸弟鈞爲會稽巡檢  
奉母同之官未幾母病鐸晝夜泣禱乞以身代  
母歿哀慟幾絕卜葬于鳴鳳山下結廬墓側朝  
夕悲號其地多虎聞鐸哭聲皆避去人稱爲真  
孝子宋濂傳其事

岳仲明宋鄂王七世孫居固始洪武初徙家於汴  
仲明少立清節隱居不仕親喪廬墓九年有司  
舉孝廉三召不起賜號純孝所著有遺安集藏  
於家



陳鏜祥符人父遭痿疾十餘年躬執爨親調湯藥朝夕無少間及卒哀毀骨立季父老而無子鏜請同居侍養如父母成化十八年詔旌之

翟聚祥符人性至孝嘗割股以愈母病洪武二十一年以孝廉舉授行人母歿廬墓哀毀踰禮終直隸臨淮縣丞有司旌之

朱安河字應清鎮平府鎮國將軍性至孝母賈夫人病刲股以進復嘗溷以驗差否及卒哀毀骨立疏食終三年及父病事之如母父病差有鳥

數千翔於庭不去人以爲孝感所致事聞賜璽書褒美及卒復勅建崇孝祠以旌焉

周王府宗族生于汴者照舊編入下凡各傳同

陸清字汝清祥符人性至孝父母有疾侍榻朝夕弗離藥餌非親嘗不進及歿廬墓終喪以過哀瞽其右目有白兔之瑞後以貢生任鄒平縣儒學訓導嘉靖中旌之

劉允行祥符人少喪父其母郭氏年二十九紡績

養姑姑歿鬻衣具祭葬守節五十年郭持疾亟



思食肉允行割股以奉乃愈後患疽藥罔效  
符益誠嘗糞甘苦以爲欣戚有司以節孝旌

門

劉煇字文華祥符人與弟煇同居六十年友愛無  
間有司聞其賢行聘爲鄉社師煇教人以存誠  
爲主弟子多以學顯一時名士爭與之遊李慶  
陽尤重之

宋安汨字公治新會恭簡王介子受鎮國將軍封  
母李氏爲恭簡王媵姬安汨生七年恭簡王薨

又數年出府不分一錢僦屋以居迨受封以勤  
儉治生稍稍豐足日奉甘旨供李歡李病卒哀  
毀瘠甚援母以子貴之例奏於朝追封李爲一  
品夫人賜祭葬悉如制安汨竟以悲哀成病歿  
於其次

李鸞吳棟王賓龐慶張進孝劉惟中劉光大蕭文  
登鄒元張一淮白文燦白恩牛進忠王朝俱祥  
符人河陰府宗室朱睦榭鎮平府鎮國中尉朱  
勤縻昨城府宗室朱勤禧汝陽府宗室朱朝印



俱以父母病刲股療之愈

李斌張鳳鄭官張亮楊儒袁隆萬年俱祥符人郭  
廷用邑諸生常惺邑舉人史經周府儀賓朱睦  
梁鎮平府鎮國中尉俱以父母喪廬墓三年

戴應坤祥符人家貧善事親有弟三人終身不異  
爨其季弟親所愛也以株累至官當笞坤叩頭  
請代官憐而釋之

翟國器號重軒祥符人選貢生家貧事母以孝稱  
凡授徒所得脯脰咸備甘旨以母命養舅氏渭

祥符縣志

卷十五

孝義

陽之誼尤加篤焉

馬瑞圖字遇伯祥符人壬午流賊圍汴糧盡瑞圖以文士登陴守禦日得升合以養母及河決城內一望洪濤瑞圖負母并牽引從子女登城得筏渡河北後爲江山令有惠政

郭鍾琇祥符人性孝友父卧病親侍湯藥嘗糞以卜割股以療不解衣者年餘壬午黃河衝汴家人失散妻王氏扶姑得船以濟姑年老卧病王願天求代尋愈後值老人指路得與夫遇人以



爲孝感所致云

何應坤字順吾祥符人需次知縣父卒卧苫枕塊  
哀毀骨立母病顛天求代親侍湯藥者五年及  
卒廬墓三年崇貞間撫按具奏勅建純孝坊  
國朝以孝行追祀鄉賢

張文光祥符人崇貞戊辰進士性孝友父母卒各  
廬墓三年哭聲振林木行路哀之祀鄉賢

張清字澄甫其先新都人長身玉立博涉經史而  
隱於賈游大梁遂家焉慷慨重然諾人有負貸

錢貧不能償輒折券不復問見困窮孤獨者傾囊助之有客沐者以金三百寄清未幾客死逆旅人無知者清召其子歸之金封識宛然里人益高其行卒葬大梁門外里人呼爲張義士墓云

呈清

馬瑞麒字汲伯祥符貢生事繼母以孝稱有第五人同居不析箸

張進忠字小泉祥符人幼孤事母以孝撫兩弟以



友前明時遠戍遼陽力行厚德有善張之  
年或被水淹進忠不食三日有以人肉與之者  
忠曰寧餓死不忍啗同類也得舟以免水退後  
求親族骨骸不能辨凡遇白骨悉埋之

朱運隆字順川祥符人童年時父病刲股以進及  
寇圍汴有戰守功授都司順治初推彝陵遊擊  
以疾辭職子縝年九歲亦因母病刲股以療人  
曰孝門有孝

劉毓英祥符人性孝友流寇方熾居者皆鳥獸散

祥符縣志

卷十五

孝義

五

英繼母韓老病瀕危或謂汝非韓出盍捨之英  
泣曰生我長我厥恩維均若捨之去是蔑大倫  
也終侍母不去及卒葬以門扉亂定後改葬有  
二兄皆無子二兄卒議葬事形家謂不宜祔塋  
恐不利後嗣英曰何忍捨兄不入塋耶仍葬祖  
塋之側

張好德字悅心祥符諸生以孝友聞父母卒破產  
營塋遺貲悉讓兩弟女弟早寡撫之尤至弟



高喜增祥符人性至孝親歿廬墓三年有白鳥翔  
集之瑞邑宰旌其門

張養蒙祥符人明崇貞壬午舉人 國朝授洛陽  
教諭擢江南武進縣令性恬退少宦情致仕歸  
事親以孝聞祀鄉賢

王基新祥符人黃流灌城負父母出逃及父母歿  
哀毀踰禮廬墓各三年子琰另有傳

王琰祥符人基新子也性純孝年八歲侍祖疾母  
氏刲股療翁琰十指忽痛趨問知故卒飲泣不

言以成母孝康熙乙丑成進士部檄促除官以  
親老不忍行父母督之不已乃入都一夕忽感  
噩夢如見母氏刲股時狀急馳歸母疾已劇得  
視含殮人以爲誠孝所感服闋授新貴令會裁  
缺卽歸養絕意仕進生平學宗程朱淹貫經史  
尤邃于易卒祀鄉賢子符震康熙甲子舉于鄉  
官中翰歷任粵西維容崇善兩邑俱地雜獯蠻  
號難治符震擘畫協宜書上考擢倅雲南民爲  
立生祠再任江南金匱福泉兩邑游刃頗剗政



清溪除人謂能世其學

王紀昭字憲一祥符人康熙丁未進士少孤事母以孝聞弟緒昭早喪遺子甫晬撫如己出性不樂仕進所著有敬遺堂稿藏于家

王遙字元舉祥符人父紀昭病遙輒不食及父歿過哀竟以毀死年甫十八也

宋豐字大有祥符人性孝友侍父母疾年餘衣不解帶寢不帖席河漂母棺痛哭虔禱得焉人稱孝感兄病奪子乳母之乳貯以進兄子呱呱泣

祥符縣志

卷十五

孝義

三

弗顧曰吾愛兄何知有子兄亡遺孤甫晬豐必先兄子而後其子族孫有少孤者亦引同爨家雖貧弗恤也長子鑰登歲薦次子鱗康熙乙未進士廣西全州知州諸孫亦有名于庠

朱萬元祥符人幼孤事母孝母愛蘭萬元偶見市人培一本甚茂出多金以求不獲跽而固請携歸奉母與得歡心其誠懇類此年四十餘聞母呼小字則喜往往牽衣索果作小兒啼狀以娛

邑人今黃綿在其門曰孝惟月旦營其張某



因在南久不返父母揣其已死家貧欲嫁其妻  
萬元聞之僞爲其子家書云計日歸且侑白金  
八兩妻因不果嫁及張某歸疑妻有私數窘辱  
之萬元方白其事遂爲夫婦如初買雷姓子爲  
力聞其止一男焚券還之縣役張某者負官租  
逃官寘其妻子於獄萬元見之僞云子負張某  
債宜償六十金代完官租遂出其妻子于獄實  
與張某不識也子遂卒卯舉於鄉授懷柔令

閻理字彝公祥符人性至孝父病骨寒捧父足以

寢者七年母病湯藥必親嘗日夜侍床第及父卒京毀踰禮廬墓三年太守管竭忠兩旌其閭子式鑛舉己卯鄉試

馬康俊祥符人明季費水灌汴負母出避難江淮間顛躓困頓奉養無缺後歸故里飲食起居曲順親志終身無間康熙六十一年旌

高盛選字樸菴祥符人性至孝善承色笑候補光祿寺典簿以母年老不忍離終弗仕康熙六十



入殿中衆以儲君無外交之義藩王不宜私通  
賓客固辭不受及梁氏事敗賓客多坐之惟衆  
不染於讎永平初辟司空府以明經給事中奉  
使虜廷爭禮不屈官

止作春秋

刪十九篇卒於官子安世亦知名於時

明

張翥字希賢祥符人洪武初舉明經爲榮澤縣訓  
導遷秦府長史卒於官所著有學庸句解二卷  
子遂能世其家學以鄉舉仕至浙江鹽運使撰

祥符人物志四卷

李承恩字君賜一字伯生祥符人父母早喪祖父  
母鞠育之初不爲童戲八歲就塾師端慎如老  
成人弱冠入邑庠爲弟子員督學者優之俾聚  
講大梁書院正德十四年領鄉薦明年試禮部  
不第乃罄囊買理學諸書以歸閑門潛玩時有  
新得見之著述辨析精當多儒先所未發謂聖  
人之微言莫大於經而穿鑿好異者失之於是  
著易大義詩大義書拾蔡學庸拾朱孟子說若



千卷謂宋儒之言其精於西銘定性書太極圖  
說顏子所好何事論是書名爲之解以發其蘊  
謂理不離陰陽不離陰陽其不離中以不雜爲  
體不雜中以不離爲用於是著陰陽論百五十  
八條謂動靜者吾心也動靜之間吾心之至妙  
存焉動中有靜者德德者得也恐失之而復得  
也靜中有動者幾幾者微也雖至著而實至微  
也於是畫心印圖謂大學格致之旨不明於天  
下徒使學者馳騁恍惚而不知求之於近於是

祥符縣志

卷十五

儒林

三

著格物致知說謂往來順逆易之大旨原卦畫之初自乾至坤皆逆數也然乾兌離震繼之善也巽坎艮坤成之性也往者已然也數有次第之意第其已往不亦順乎來者將然也知有主宰之意宰其將來不亦逆乎下學之功知來逆也上達之妙數往順也數往者順後天而奉天時吉凶在天而不在我故曰窮躬盡瘁死而後已成敗利鈍非吾所能逆覲也知來者逆先天而天中書皇古凶由我而天故曰思慮未起



累官至尚書令著作東觀所著詩頌碑銘書策  
凡十五篇

邊讓字文禮浚儀人少辯博能屬文作章華賦麗  
而正議郎蔡邕薦於大將軍何進謂讓可大用  
屢遷九江太守初平中去官歸恃才氣不屈曹  
操多輕侮之言卒被害

唐

崔顥汴州人開元十一年進士才俊能詩終司勳  
員外郎

曹鄴字鄴之汴州人常爲四怨三愁五情詩爲舍  
人韋慤所知力薦於主司大中時登進士第官  
洋州刺史集三卷

宋

宋白字素臣開封人年十二能屬文登建隆二年  
進士調嘉州玉津令從太宗平晉獻頌帝嘉之  
累擢翰林學士卒謚文安有集一百卷

和峴浚儀人晉宰相凝之子仕晉歷官著作郎入

宋爲太常博士善音樂郊廟之禮多所更定太



祖以雅樂聲高命峴講求均節之八音和暢帝  
悅拜司勳員外郎太宗卽位擢京東轉運使

和嶸字顯仁峴之弟太平興國初舉進士累遷光  
祿寺丞先是父凝嘗取古今史傳聽訟斷獄辯  
雪冤枉等事著爲疑獄集嶸因增益事類分爲  
三卷及所著文賦五十軸並上之召試中書太  
子中允累遷右正言與王旦同判吏部銓知制  
誥卒弟嶧子珙俱大理評事

李端懿字元伯鎮國軍節度使駙馬都尉遵勗之

祥符縣志

卷十五

文苑

五

子其母太宗女也端懿篤學博聞長而孝友喜  
爲詩工書畫于陰陽醫術星經地理無所不通  
歷供備庫使洛苑使新州刺史康懷二州團練  
使累遷鎮潼軍觀察留後知澶州卒于官贈感  
德軍節度使兼侍中太常

賀鑄字方回開封人元祐中通判泗州藏書萬卷  
長于樂府有慶湖遺老集

王直方字立之開封人高祖顯事晉邸至樞密使

凡力書與蘇武黃庭堅諸名士游家有園池



宗女爲假承奉郎自號歸叟有集一卷

孟元老開封人後南遷紹熙中著東京夢華錄行於世自號幽蘭居士

孫惟信字季繁開封人善雅談長短句尤工嘗有官棄去不仕著花翁集一卷

明

蘭植字叢芳祥符人該博經史尤精于易能詩文洪武辛亥舉進士歸里十四年禮部尚書任昂以博學宏辭薦任吏部員外郎

劉醇字文中祥符人善屬文元末隱居不仕洪武  
中以薦爲原武縣訓導尋棄官歸周王延爲世  
子師會右長史缺王請于朝以醇爲右長史數  
進規諷王重之後以疾致仕所著有菊莊集若  
干卷

左國璣字舜齊尉氏人父尚鎮平王府廣武郡君  
遂家祥符國璣七歲能詩弱冠從李夢陽就學  
京師正德丙子舉于鄉才名籍甚四方好古之  
士皆從之游累試南宮不利當路欲薦入官辭



弗就歸老汴中肆力著作世稱中川先生

郭鳳儀字舜符祥符人嘉靖丙戌進士仕至雲南  
按察司副使工古文詞尤精于詩字臨急就章  
肖其神亦能畫詩尤重於世所著有均矣集兄  
鳳翱正德甲戌進士仕至陝西按察司副使子  
中嘉靖丁未進士仕至廣平府知府俱有名

陸柬字道函祥符人嘉靖庚戌進士授大理評事  
仕至貴州都勻府知府博雅好古工詩文以表  
章遺文爲己任籌葬間有斷碑殘碣皆操筆往

書之郡邑文獻多所蒐采所著有陸道函集若干卷行於世

朱陸樗字灌甫號西亭周定王裔也父奉國將軍安何以孝行聞陸樗被服儒素覃精經學從河洛間宿儒游奉手摠衣執經函丈受經于睢陽許先章分句釋達旦不寐三月而盡其學年二十通五經尤邃于易春秋訪購圖籍傾身好士築室東陂之上延招生徒與分研席萬歷間舉

文行卓異爲司審宗正十餘年國中大製作皆



出其手修河南通志撰中州人物志中州之文  
獻徵焉嘗謂本朝經學一稟宋儒古人經解殘  
缺放失求之海內通儒若李鼎祚易解張洽春  
秋傳皆序而傳之復領宗學孜孜講說雖寒暑  
不輟命諸生刺舉同異撰五經稽疑若干卷明  
帝系世表一卷周國世系表二卷遜國褒忠錄  
五卷校定謚法一卷韻譜五卷自著陂上詩文  
二十卷海內藏書之富江都葛氏章邱李氏陸  
桴傾貲購之倣唐四部法各色牙籤識別凡一

祥符縣志

卷十五

文苑

三

萬二千五百六十卷讐勘歷然其子勤羨號  
居亦嗜書收藏益富

朱安浚字思甫鎮平府奉國將軍篤行好古於學

無所不窺邸第建青藜閣藏書數千卷日誦讀

其中極意著作工古文辭性至孝父病嘗割左

股以進病良已晚年爲宗正羣公族子弟授之

經義莫不人人服卒年八十六所著有理學

寤言太極圖考古本大學續談藝錄春草齋集

工部題券集鳥丁魚昌集叢桂莊詩集宗臣志



定變錄北地年表叢桂莊品題詩牡丹  
皆行於世

清

馬士騭祥符人幼穎悟以博洽著稱授內鄉教諭  
課士有方歸里後修邑志及所著補石倉詩藏  
於家

隱逸

漢

符融字偉明浚儀人師事少府李膺善談辯州郡

祥符縣志

卷十五

隱逸

三

禮請舉孝廉公府連辟皆不應會以黨事遭禁  
錮妻亡貧無殯歛鄉人欲爲具棺服融不肯受  
曰古之亡者棄之中野唯妻子可以行志但卽  
土埋藏而已同郡田盛亦知名優游不仕並以  
壽終

晉

董養字重道浚儀人泰始中人洛不干祿仕因游  
太學歎謂謝鯤阮孚輩曰易稱知幾其神乎君

子下采歲夫乃與妻同簷入蜀莫知所終



唐

白履忠浚儀人博通經史居古大梁城時號梁邱  
子景雲中召爲校書郎棄官去開元中刑部尚  
書王志愔薦履忠學博操嚴可代褚無量馬懷  
素入閣侍讀國子祭酒楊瑒又表其賢召赴京  
師辭病老不任職詔拜朝散大夫乞還手詔許  
游京師徐還里閭履忠留數月乃去

明

張民表字林宗其先中牟人居祥符弱冠舉於鄉

祥符縣志

卷十五

隱逸

三

隱居不仕工古文辭以草書名天下築圃滿植菊日對吟嘯行事率超宕有晉人風所著詩累屋壬午没于水其門下士周亮工得之傳誦者梓行於世

朱濂字澹軒祥符人歲進士隱居不仕性狷潔對妻子不苟嘖笑與友人課大梁書院途遇雨衆趨去濂行自如羣號爲聖人

趙喬星字養明負性穎異弱冠補庠士意致超異

不樂仕進以載記受主走宮呆劉昌出其明



逾七十猶晨夕講學不倦人稱爲道隱先生

皇清

劉承邱明世指揮使三中武科累陞山東副總兵  
以城守功加都督同知改物後偕弟叅將承訓  
種瓜三里岡足絕跡城市蓋近古東陵也

張壯行字心孟祥符人幼有志操學問淵贍以儒  
士登天啟甲子舉人未除官適闖賊李自成攻  
汴壯行爲所掠賊奇其狀貌授僞劄壯行拒賊  
甚厲賊猶未忍殺凡數日不食會賊移營得乘

祥符縣志

卷十五

隱逸

三

間逃賊覺追之至黃河岍壯行躍入河罵賊賊射之壯行沒於水竟溺水而渡衣履悉不具伏林莽間得不死後亦不赴春官濶跡齊民力自操作家貧不能舉火吹簫放歌晏如也纂修邑乘詳核有史裁其學以程朱爲宗所授高第弟子甚衆年八十餘卒崇祀鄉賢人稱曰疊山先生

魏履微字太衡祥符人忠朴不事浮飾四中鄉乙

旁以月經受州判不就教受主走百餘人籍捕



收以自給

侯應元字魁甫祥符諸生性無競志視富貴泊如也孫樸成進士猶日與農圃伍當路重之

流寓

周

孟軻字子輿鄒人受業于子思門人道既通游事齊宣王宣王不能用梁惠王三十五年卑禮厚幣以招賢者軻至梁王曰寡人不佞兵三折于外以羞先君宗廟甚醜之叟不遠千里辱敝邑

之廷將何以利吾國軻曰君不可以言利上下  
爭利則國危亦有仁義而已矣何以利爲當是  
時秦用商鞅楚魏用吳起齊用孫子田忌天下  
方務于合從連衡以攻伐爲賢而軻乃述唐虞  
三代之德惠王以爲迂遠而濶于事情道遂不  
行

淳于髡齊人滑稽多辨梁惠王三十五年至梁王  
與語三日夜欲待以卿相之位謝去

鄒衍齊人著書十萬餘言適梁梁惠王郊迎執賓



歸宋因家開封博通五經舉進士累官國子直  
講真宗召講周易泰卦元推君臣交感之義帝  
大悅仕終戶部侍郎卒贈本部尚書謚章靖  
王旦字子明大名人父佑太平興國初以修撰知  
開封府因家焉旦舉進士累官右僕射三遷至  
太尉天下稱爲賢相卒謚文正

錢惟演字希聖浙江錢塘人父吳越王俶歸宋賜  
第開封因家焉惟演少有俊才累官兵部尚書  
樞密使天聖中改崇信軍節度使卒于官贈侍

中謚文僖所著典懿集三十卷從弟晃及易晃  
進士累官右諫議大夫易累官翰林學士

劉安世字器之魏郡人少爲文彥博獎識旣舉進  
士不就選從學于司馬光問盡心行己之要光  
告以自不妄語始己而調洛州司法累遷樞密  
都承旨正色立朝面折廷諍旁侍者悚汗目之  
曰殿上虎章惇惡之屢貶新州別駕安置英州  
同文館獄起蔡京乞誅安世讒雖不行猶徙梅  
州亭等又吏人將要殺之其人斃乃免投荒七



年凡遠惡地無不歷之及京相連七謫至峽州  
羈管稍復承議郎卜居宋都卒葬祥符後金人  
發其塚貌如生相驚曰異人也爲之蓋棺而去  
賈昌齡字延年其先鎮備人以仕遷開封祖琰樞  
密直學士贈尚書左丞父汾仕終殿丞昌齡少  
孤師事翰林李宗諤登進士爲浮梁尉俗有服  
毒草相鬪死而訴告昌齡立雪其冤累遷職方  
員外知衛州往刺衛州者相繼死或謂昌齡改  
署則吉昌齡曰死生命乎人何能爲之任竟無

祥符縣志

卷十五

流寓

罕

恙拜太常卿直昭文館鎮南海卒于官

元

李鐸字振文其先廣平人徙居大梁始以吏才累  
官至南康路總管所至有能聲卒葬開封章田  
村

羊仁廬州廬江人至正初北兵南下仁家爲所掠  
父被殺母及兄弟皆失散去仁七歲鬻爲汴人  
李子安奴力作二十餘年子安憐之徧爲良仁

從迹尋母于潁州兄于淮州弟于邯鄲皆爲役



明

無恙乃信親故貸鈔百錠歷詣諸所求  
之經營百計更六年乃得遂大小二十餘口復  
聚居孝友甚篤鄉里嗟之大德十二年旌其家  
薛瑄字德溫山西河津人父貞永樂中除鄆陵教  
諭瑄隨父任年十二卽慨然有求道志精思力  
踐動必質諸書一有不合終夜不寐舉庚子可  
南鄉試第一明年登進士授監察御史手錄性  
理大全潛心誦讀深有所得著讀書錄正統初

祥符縣志

卷十五

流寓

三

轉山東提學僉事教士必先力行諸生呼曰薛  
夫子遷大理少卿以平獄爲王振所陷免歸已  
而復起累擢翰林學士召入內閣知制誥復遷  
左侍郎時石亨等亂政瑄乃乞休歸卒贈禮部  
尚書謚文清瑄晚年學益高明嘗爲詩曰七十  
六年無一事此心惟覺性天通蓋實錄也隆慶  
中詔從祀孔子廟

曹華字石帆江南徽州人從父商于汴幼穎悟未



弱冠登賢書越四載成進士以部曹典蜀試脂  
車就道凡遠山長流古楓斷碑咸點綴成章載  
所梓星軺中典麗可法

畢今梁西洋人有異術兼通歷數崇貞初至本邑  
薦紳先生從之游上官署其門曰西國鴻儒後  
復游金陵還本國

皇清

盛治字霖襄江南揚州人已丑進士任河南管河  
道以疾退家于汴喜以文誨士多進而受業者

祥符縣志

卷十五

流寓

三

魏憲字惟度福建福清人博雅澹靜選近代詩曰  
詩持凡四集皆行世又有補石倉文集足跡遍  
海內過梁買宅居焉卒厝柩南薰門外遊者多  
瀝酒弔之

徐而泰字大來江南丹徒人官開封知府政蹟俟  
郡志採列引年致政僑寓郡署東街孳孳汲引  
後進有太邱道廣之風初北門外古天王寺而  
泰所葺也于是日赴僧寮趺坐談禪超然遺世



釋道

釋家

宋

文通慧祥符人姓張氏名文脫俗白雲寺師令掌  
厠盥盆有市鮮者沃於盆文偶擊之仆地死文  
懼奔華州總持寺久之爲長老忽曰三十年前  
一段公案今日當了衆問其故曰日午當食知  
之遂趺坐以待時張浚統兵至關中一卒持弓  
矢至法堂瞠目視文將射之文笑曰老僧相候

祥符縣志

卷十五

釋道

三

久矣卒曰一見即欲相害不知何讐文語以故  
卒悟曰冤冤相報何時了劫劫相纏豈偶然不  
若與師俱解釋如今立地往西天視之已立化  
矣文即索筆書偈云三十三年飄蕩做了幾番  
模樣誰知今日相逢却是在前魔障書畢泊然  
而化

志言本姓許氏自壽春來居東京景德寺爲人卜  
休咎書紙揮翰甚疾字體遒勁初不可曉後多

念有具齋焉繪其公之臨流而吐化小鮮羣泳



而法海客遇風且沒見僧操槳引舶而濟客至  
都下志言謂客曰非我汝奈何客猶記其貌乃  
引舟者也後卒仁宗初真州聖果寺中榜曰  
顯化禪師

明

勝安號古岸俗姓周幼體強壯守戒律精嚴道  
純崇嘗與諸僧集諸經五十餘卷曾修葺招提  
寺僧亦樂之長安祐國寺一時緇黃之士從  
之雲集後遷真州而逝停柩二日飛烟環繞闍維

祥符縣志

卷之二十三 祥符縣志

五

之得舍利寶聚五色精瑩如珠觀者異之

雲居城去五里王寺遊僧也周定王出獵僧坐

不起王怒以鞭撻其面大出王異之歸治且往

召僧云候洗面即行頃謂使者曰爲我謝王我

已赴席來矣使者不信僧出一蒸食爲驗使

敬王王視之無異中物再召莫知所向因廣其

所居寺

道家



張拱祥符人舉進士不第賣藥宜春門忽有道士  
抵其肆授以棗七枚食之自是踰二年復欠俱  
絕神氣男來日可行數百里後遊名山不知所

終

事上竈不知何許人玉禧中以備淪湯滌器汴州  
橋茶肆中一日遇仙去天聖末如磁州謁趙長  
官曰吾命垂盡願施一小棺乞於棺首穿一穴  
插通節竹於穴中以通氣明日汲水洗身卧槐  
下遂絕趙異之如其言葬于河岸是秋水漲趙

壽縣志

卷十五

釋道

聖

在祠之獲棺無尸

王元可讀書中居汴京盛冬單衣流汗浹面燕王  
有之者召見與之酒歲餘見王曰將遠游故來  
尉奪小枝欲以獻王乃索黃羅疊剪爲蜂蝶狀  
隨剪飛去莫知其數少頃呼之蜂蝶皆來復爲  
羅王曰吾壽幾何曰與開寶寺浮圖齊後浮圖  
毀王亦薨

侯先生不知何許人慶歷間賣藥汴京年四十餘  
年自備藥器已二扁凡體弱半醉夜與丐者同



處有馬元者盛夏隨之出閭闔門浴池中元因就視乃一蝦蟆元遽引退侯浴出着衣元前揖之侯笑曰子適見我乎乃召元飲酒肆中出藥一粒曰服之令子壽百歲此後不復見

劉從善別號浩然子西洛人徙居汴初好元學大中祥符中師王太和於京師建隆觀五年試業爲道士天聖元年以乾元節賜紫二年六月承旨充景靈宮侍宸三年八月降旨選精明經教勤慎焚修之士從善首與選賜正一法服冠履

劍佩帝諭以先帝忌辰令神御前咒食持誦乃  
編輯三洞經偈頌以薦仙駕尋進咒食文帝嘉  
之賜號全素大師仍以其文頒諸宮觀咒食之  
文自從善始至和二年正月仁宗違豫召從善  
于大慶殿設醮奏章命執政代拜至夜伏奏章  
帝忽瞋目已數刻中外驚讐而從善良久方起  
曰章已達上帝有勅令帝回矣俄而帝甦聖體  
遂康從善累遷右街副錄服氣鍊形益勤至熙  
寧三年七月二十八日蛻去年八十有一後有



客見從善白馬入蜀云

男

張三丰遼東人或云寶雞人洪武初寓汴延慶  
時大理寺卿王宇爲兒時三丰過其里而異之  
曰此兒他日必貴顯後如其言天順二年羽化  
于成都鶴鳴山詔封通微顯化真人

許氏子居宣平坊靈寶冢宰讚同宗也逸其名姓  
好飲酒身多癩晝乞于市夜卧東嶽廟廊廡  
夕見二鬼役掃地云有仙來拜俄而仙至如晝

祥符縣志

卷十五  
方技

三

中八仙像嶽神盛飾出迎許氏子牽一仙衣一  
仙與書一卷後歸家晝出夜入擁呼如王者像  
父恠之且恐禍及用醇酒醉之以石擊死殮而  
葬棺出門漸輕開視之止存敝箒戴羶帽覆白  
衣尸無存矣

方技

皇家

五代

晉天福中



州節制李守貞表爲司戶叅軍留門下每從守  
貞出征占候軍事多中奏試大理評事賜緋後  
守貞鎮蒲津陰懷異志修己屢以禍福諭之不  
聽遂辭疾歸明年守貞果叛幕吏多以罪誅獨  
修己得免周世祖鎮鄴奏叅軍謀會隱帝誅楊  
邠等將及世祖修己知天命所在勸世祖曰雖  
欲殺身成仁何益于事不如引兵南渡詣闕自  
訴則明公之命是天所與也世祖然之遂決渡  
河之計及卽位改鴻臚卿遷司天監

祥符縣志

卷十五 方技

五

宋

楚衍祥符人少通四聲字母善推步陰陽星歷之  
數又于九章緝古綴術海島諸算經尤臻其妙  
自陳召試宣明補司天監學生遷保章正天聖  
初造新歷擢衍爲靈臺郎與宋行古等九人制  
崇天歷進司天監丞入隸翰林天文皇祐中同  
造司辰星漏歷十二卷卒無子有女亦善算術  
郭天信字佑之祥符人以技隸太史局徽宗爲端  
王時歲其公爲天子及卽位親暱之後拜定武



節度使見蔡京亂國每託天文以撼之且曰  
中有黑子京坐黜後爲京黨所劾貶職

畫家

唐

韓幹浚儀人善畫馬及山水人物鳥獸王維見之  
賞異薦官至大府寺丞

宋

裴文觀祥符人仁宗朝爲翰林待詔工畫水牛骨  
氣老重澗渲謹密一代佳手

祥符縣志

卷十五

方技

五

任從一祥符人仁宗朝爲翰林待詔工畫龍水海  
魚爲時推賞舊有金明池水心殿御坐屏展畫  
出水金龍勢力迺怪又建隆觀翊教院殿后有  
所畫龍水二壁

呂拙祥符人工畫屋木至道中爲圖畫院祇候時  
方建上清宮拙因畫鬱羅霄臺樣進上改翰林  
待詔不就願于本宮爲道士尋得披挂仍賜紫

衣

三先字晉卽祥符人尚英宗女蜀國公主爲利州



防禦使黜遠聲能雅好書畫建寶繪堂於私第  
之東以蓄其所藏東坡爲之記東軒亦贈詩云  
錦囊犀曲准象床又竿連幅翻雲光手披橫素  
風飛揚卷舒終日未厭小  
目俊麗神激昂其所畫山水學李成皴法以金  
碌爲之東坡謂晉卿得破墨三昧有烟江疊嶂  
圖房相宿因圖及山陰陳迹雪溪乘興四明狂  
客西塞風雨圖著色山水等圖傳于世

明

祥符縣志

卷十五

人物方技

辛

張路祥符人號平山以字行少聰慧見吳道子戴  
文進所畫人物山水臨摹肖其神以畫成名入  
貲爲太學生頽唐自放縉紳先生皆樂與之游  
路雖以畫名天下而恬退無所營終路之世門  
巷蕭然

張似山平山裔也性嗜畫有祖風繪山水人珍之  
張紀山祥符人圖花卉羽虫重于世人相傳曰前  
有平山後有紀山



字青岱其先臨清人徙居汴善繪畫尤工山水亦能詩所著有布衣草

醫家

宋

許希祥符人以醫爲業補翰林醫學景祐元年仁宗違豫侍醫數進藥不效人心憂恐冀國大長公主薦希希診曰鍼心下包絡之間可亟愈左右爭以爲不可諸黃門請以身試試之無所害遂以鍼進而帝疾愈命爲翰林醫官賜緋衣銀

祥符縣志

卷十五 方技

五

魚及器幣官至殿中省尚藥奉御卒所著有神  
應鍼經要訣行于世

元

楊澤字潤夫祥符人始以明經進士業善文詞金  
季科舉廢隱于野潛心醫術後仕元辭職年七  
十六而卒追贈榮祿大夫司徒柱國梁公諡曰  
懿

楊元直字大方澤之仲子繼父醫業以著書歷仕

世補成英泰定數朝官至明文館大學士兼太



醫院事掌醫卿卒贈光祿大夫河南北行中書  
省平章柱國追封梁國公謚忠穆

明

周溥字文淵其先浙江會稽人徙居汴城遂家焉  
溥穎敏嗜學及長患羸白度弗起遇南郡高子  
明療之而愈溥遂從子明傳黃帝扁鵲之脉書  
及諸秘方溥受之且錄且讀三年爲人診視療  
治悉驗于是四方迎謁者衆溥取舍合義發明  
素難及東垣丹溪之義爲書一編名曰方法考

祥符縣志

卷十五

方技

五

源復著用藥歌括若干首

李信字用誠祥符人精幼科醫術一視則生死立  
決門懸金鐘爲號至今邑人猶稱爲金鐘李氏  
云

史仕周府良醫正九世祖全業幼科居洛中至仕  
任周府良醫因徙汴精于素問難經諸書治病  
輒驗全活者甚衆壽至八十七歲乃終

劉輝字文華祥符人幼喜醫受學于同郡李寬久  
之盡其術漢曰神聖工巧非可以言辭求玉運



物理必待夫體察明著遂以醫名  
鄭鑑字尚宜祥符人業醫療病多神異年逾七十  
著述不輟有續醫說醫書百册杏花春曉堂方  
方法考諸書行于世子名河號星源亦以醫名  
鄭耀號繼源祥符人性孝友讀書盈屋晚嫻聲律  
以父河遺教工于醫術盛行于梁宋間子封成  
進士爲御史

鄭疆字無疆祥符人幼聰穎弱冠補弟子員事父  
恭兄族黨無基言汴城經水淹後寓居淮陰及

祥符縣志

卷十五 方技

三

歸里以善醫聞能以濟人爲心

李可全精醫能研紫書全活甚衆

皇清

艾應奎字文所祥符人好文更稱良醫精脉理療

病多中

列女

戰國

高行梁之節婦榮于色美于行夫早死不嫁梁王

一男焉母三子高行曰婦人之義一醮不改志



死貪生棄義而從利何以人爲乃援鏡持刀割其鼻曰王之求妾非以色耶刑餘之人始可免矣相以報王旌之曰高行

魏乳母當秦破魏殺諸公子一公子不得令曰得公子者賜金千鎰匿之者夷三族乳母與公子俱逃魏故臣見乳母而識之曰公子安在千金重利也夷族極刑也汝何居母曰趨利而背上者逆也畏死而棄義者亂也吾不爲遂逃公子於澤中故臣以告秦軍爭射之母與公子同死

秦王以卿禮葬母祀之太牢

唐

李氏女年八歲父歿殯於堂十年朝夕哀臨及笄  
母欲嫁之斷髮丐終養居母喪哀號過人自庀  
葬具州里送葬者千餘人廬於墓蓬頭跣足而  
負土以完園塋蒔松數百武后時旌其門閭

董氏名德真邑人賈直言妻直言坐事貶嶺南以  
氏少乃與訣曰生死不可期吾去可亟嫁無需  
也氏不答引繩束髮封以帛使直言署曰非君



肅憲王妃鞏氏邑人正統初王薨妃自經薨諡貞  
烈時夫人牛戴韓歐陳李六氏同日自殉俱諡  
貞順祔葬憲園

周簡王姬左氏邑人景泰中王薨左卽自縊於室  
中

陳烈女邑人父傑年十八字楊瑄未幾瑄卒女哭  
欲往弔父母不許女乃剪髮屬媒氏轉達瑄母  
以定婚帖裹其髮置瑄懷中葬焉父母謀改字  
女卽縊而死其後五十二年瑄兄子永康改葬

瑄而求烈女匳合焉二骨朽矣髮與定婚帖獨完好葬之三年有岐穀子瓜產於墓

蔡氏邑人爲內鄉懷靖王夫人王未襲爵夫人亦未受妃封天順末王薨夫人卽自縊事聞帝嘉其節特遣使祭焉

楊氏邑人黃士謙妻年二十士謙病革楊以死許及士謙卒果自縊

劉氏邑人燕從義妻夫卒守節事聞旌之

楊氏邑人黃大妻黃病篤語楊曰汝年少善事後



人楊曰旣室君安得再嫁黃卒自縊

周懿王姬媵于氏邑人得幸於王生子同鏘成化  
末王薨于抱孤於懷拊膺大慟曰吾以一死報  
王天若憫予惟孺子是穀遂自縊於西宮後子  
同鏘封新會郡王

高氏邑人夏永昌妻娶未三月而永昌死高輒欲  
殉家人防之甚嚴高於柩前日焚香竊祝曰夫  
少俟我其母知之泣而謂曰汝今年十九耳奈  
何輕死高曰嗟母謂百年永耶竟自縊死成化

祥符縣志

卷十五

列女

五

末事聞詔旌曰貞烈

劉氏邑人耿慤妻夫卒守節宏治末旌之

劉氏邑人魏相妻相卒劉卽欲殉祖姑王挾之同  
寢處婦飲泣達旦給祖姑曰我渴甚祖姑往取  
水遂自縊死時年二十一

王氏邑人孫林妻林卒王匍匐哭不絕聲遂潛詣  
園樹自縊死

張氏邑人田孝子妻也孝子名銳嘗刲股療母病

母死廬墓三年於是人稱孝子云孝子有姊子



廉公之妻甚馬時年三十有一乃治女紅以爲衣食誓不易志後兄子珮迎養於家守節五十餘年而卒嘉靖初旌之

呂氏邑人楊能妻夫卒守節嘉靖十七年旌

張氏邑人陸湊妻年二十四湊死無子張立嗣繼夫後撫養成立守節四十五年嘉靖二十四年

旌

劉氏邑人張鶴妻鶴死劉年二十五撫孤守節五十餘年嘉靖二十四年旌

祥符縣志

卷十五

人物  
列女

卒

周氏邑人王茂才妻茂才卒周亦自縊嘉靖二十

五年旌

鄭氏邑人黃恩妻夫卒守節嘉靖二十五年旌

尚氏邑人鍾秩妻秩卒尚年十九守節終身事聞

旌之

劉氏邑人爲汝寧端恪王宮人嘉靖間王病劉禱

神祈以身代及王薨劉具素衣哭告於王自縊

死事聞旌之



其母憂烈日中雨雪比長從其兄受孝經論語  
選配朝咭受封安人朝咭疾革安人以死自誓  
乃以簪珥綺衣進其姑餘俱頒諸侍人咭氣未  
絕安人先自縊死

田氏邑人張明德妻夫死姑年六十六三子俱幼  
田乃紡績奉姑撫孤成立守節四十餘年子禔  
登甲辰進士以子貴封太安人事聞旌之

張氏邑人田浩妻浩官千戶病卒張守節五十九  
年事聞旌之

祥符縣志

卷十五

列女

全

路氏邑人爲汝陽王府鎮國中尉睦惇妻封恭人  
睦惇卒路守節五十九年事聞旌之

王氏邑人沈相妻相卒王年三十有六遺孤甫四  
月王以長以教守節五十餘年事聞旌之

孟氏邑諸生司百謨妻百謨病卒孟卽不食後百  
謨十一日卒事聞旌之

王氏邑人史泰妻姑任氏病王割股以進姑病尋  
愈

史氏邑人何鳴朝妻良醫史仕女也歸朝三年生



一子名獻圖朝尋病卒史氏年十九舅姑在  
家更貧甚史乃秉節撫孤紡績以奉舅姑歷四  
十餘年如一日事聞旌之後以子獻圖貴封太  
宜人

丁氏宋氏俱邑人牛可麟妾麟仕至臨安知府及  
卒二氏俱不食死

朱氏邑人于平妻平殷子敬亦卒朱同媳孫氏守  
節終身

范氏邑人朱逸妻逸歿范以頭觸棺卽時死

祥符縣志

卷十五 列女

三

何氏邑人富平知縣王志正妾志正與奸璫忤逮死詔獄何聞訃遂自縊死

朱氏邑人李從謙妻鎮平府鎮國中尉睦菓女也十六歸從謙至二十一而從謙卒遺男甫晬朱欲從死孀母責以大義朱乃勉從守節歷五十餘年御史楊具題旌之

閻氏邑人袁永嘉妻永嘉卒閻卽不食至二十日死

陳氏邑人田文見妻文見卒陳年十九不食至九



日死

王氏邑人李士魁妻士魁卒王卽自縊死

朱氏邑諸生傅士選妻士選卒朱後五日縊死

趙氏邑人高維嵩妻維嵩卒趙不食十二日死

劉氏邑人李愬妻愬卒劉年甫二十守節五十餘

年旌其門

張氏邑人方繼典妻年二十夫卒無子立族子世

選爲嗣守節二十餘年卒

李氏邑人吳道立妻道立卒李守節四十餘年壽

祥符縣志

卷十五

列女

三

七十卒堤學衷貞吉旌之

王氏邑人爲汝陽府奉國將軍睦棉淑入睦棉卒

王守節四十餘年

錢氏邑人李知妻知卒錢守節五十餘年有司旌

其門

鄭氏邑人朱光普妻御史鄭封女也從父宦京師

值甲申之變抱未週歲女投御河死封弟達妻

朱氏抱幼子追之亦投河死人傳爲雙節

李氏邑醫官吳鶴鳴妻事姑孝謹鶴鳴卒李年三



十無三子成立昌邑守相  
旌其門

劉氏邑諸生張名世妻鄉呂氏女生張名世

劉年十九一守節終身

范氏邑人女生范一鵬女生范一鵬

八屢自經家人欲之則難

絕同穴葬之

邑人女生張名世妻鄉呂氏女生張名世

張立夫兄生為婦後流賊犯汴

人物

三

遂自縊

氏邑人鄭惟一妾惟一病卒三日胡自縊以殉  
趙氏邑貢生劉慶妻年二十五夫卒守節教子  
成進士官至宮保尚書勅建坊旌之昌子婦  
趙氏亦賢孝人謂劉氏世有壺德云

春兒邑人順慶榮簡王納諸宮中王薨春兒年  
十九撫輅涕泣絕飲食者七日王妃親持糜粥  
食之春兒勉含少許仍吐去夜自縊於輅側王

長子震海公禮葬之



李氏邑人卜某妻鄉農李登科女也其舅患羸疾  
久卧床褥李氏夜半焚香泣禱於天割股肉和  
丸以進舅疾尋愈

楊氏邑人黃六妻黃病篤謂楊曰吾死汝可再醮  
勿負年少也楊泣而矢之曰願與君相從地下  
耳及黃卒楊果自縊

秦氏邑人劉從弼妻從弼卒秦年二十二守志自  
矢侍祖姑楊氏孀姑王氏三孀同居時翁耄子  
幼秦克全孝慈苦節四十一年年六十三歲崇

祥符縣志

卷十五 列女

三

貞間旌

張氏邑人朱道行妻年二十道行卒張守節撫孤  
甘心貧苦嘗戴笠夏芸會劉扁子亂被執欲辱  
之罵賊遇害

石氏邑人夏世英妻世英任商邱教諭會李自成  
犯歸德城破世英持刀罵賊死於明倫堂石亦  
自縊死

焦氏邑人劉爾馥妻寇圍汴日久爾馥縋城採草

食中矢死焦聞之亦自縊



烈女邑之西南鄉人通其姓名當流賊攻汴女被擄賊見其幼欲強污之女上衣下裳密線連紉賊奮力撕裂始盡於身中得剪一把甚鋒利問其何用曰我欲剗賊目爾賊怒分其屍

盧氏邑人梁天才妻崇貞十五年河決入汴夫婦乘筏北渡至仁和門遇賊船執夫婦登城欲污氏氏給之曰幸逐夫去賊逐之氏見夫去遠遂投城下水死

聶氏邑人彭行道妻崇貞十五年闖賊李自成決

祥符縣志

卷十五

列女

三

河灌汴烈婦挈家避城上聞賊已登陴卽與其  
子婦祁氏李氏相繼投水死後知縣毛際可作  
三烈婦贊詳見藝文志

朱氏邑監生何應乾妻遭黃水灌城夫卒自縊死  
朱氏邑宦阮泰妻也甲申之難氏與泰同死焉

烈婦周王氏節孝祠有名未詳事實

皇清

王氏邑舉人張穉升妻穉升輿疾入戊子豫闈及

發榜有名旋卒時王氏隨穉升父任陝聞訃遂



投廨井以死水香三日陝西撫按會題旌之

郭氏邑人許國朝妻國朝卒郭年二十九雉經以殉家人救之得不死守節四十餘年撫四子成立一子康備弟子員

趙氏邑人劉芳美妻諸生文蔚女也年二十九夫卒守節自矢家人以無子諷之不聽紡績事舅姑人傳其貞

劉氏邑人李吐花妻諸生李仙根母生仙根三歲而夫卒劉年十九誓以死殉絕飲食者七日舅

祥符縣志

卷十五

列女

李

姑泣勸之乃勉爲未亡人苦節五十餘年郡縣旌其門

張氏翰林袁禧如妻崇貞甲申之變扶姑抱子避兵遇寇驅迫不從項受兩刃氣垂絕禧如夜覓救甦創經年而始合

王氏邑人姚有寶妻姚維旺母奉舅姑孝屢經寇難守節弗渝孝心彌篤官旌其門

孫氏邑人田家婦也蚤寡晝鋤夜績撫子田龍成

公孫節四十年而卒



劉氏邑人王如綸妻年十八而夫卒守節至年八十教子再興登順治丙戌進士官表其閭

孫氏邑人于敬妻諸生秉正母也敬卒孫守節終身教子成立有司屢旌其門

陳氏邑人趙文舉妻文舉卒陳卽自縊縣旌其門曰誓死從夫

薛氏邑諸生高日厚妻貢生薛獻豐女也夫卒薛年二十一崇貞壬午之難奉舅姑携幼子逃亂衛源勤紡績弗輟後舅姑繼亡喪葬盡禮子柯

祥符縣志

卷十五

列女

三

亦成立焉康熙二十四年旌

李氏邑諸生劉夢奎妻夢奎卒李年二十八勤苦  
守節終身且事姑孝謹

馬氏邑人李世科妻世科卒馬年一十七守節終  
身

薛氏邑諸生劉逢源妻逢源卒薛年十九苦節五  
十餘年所旌綽楔巋然猶存

鹿氏邑人宋守強妻姑病鹿割股以進姑病尋愈

王氏女許字同邑人于天祥未嫁而天祥卒氏在



哭遂留焉嗣聞王所葬官於陽武王姓家一  
子氏因往請之王堅不與遂怏怏失望值天祥  
大祥哭祭不食夜自縊死有大星殞屋之異康  
熙十三年旌

邵氏邑人王鳳采妻鳳采卒邵年二十二守節四  
十餘年康熙十五年旌

朱氏邑人郝聖楨妻明天啟三年聖楨卒遺孤  
甫六歲姑亦早寡善病朱刲股以進姑病遂愈  
壬午闖寇決水灌城朱扶姑攜子登鼓樓得之

祥符縣志

卷十五

列女

九

苦節五十六年康熙十九年旌

劉氏邑人馬某妻馬至健母也夫卒劉年二十五  
撫子守節有司旌之

薛氏邑諸生張二奇妻二奇卒薛年二十五  
至七十九歲卒姑病嘗判股和藥療姑

李氏陳氏俱邑宦閨派魯妾派魯卒李  
守節李子應泰陳子觀各爲弟子員

史氏邑諸生王緒昭妻史年二十而緒昭

甫一歲值明季荒亂史携子依夫兄



節凡五十餘年

常氏邑諸生袁植妻植卒常勤苦守節教三子俱成立孫式宏舉庚午鄉試知潁州後遂爲望族

魏氏邑人王鎬妻生子三月而鎬卒魏撫子成立

守節四十七年

李氏邑人杜泰妻泰卒李年十九遺孤甫數月貧苦撫子守節終身

王氏邑人張永安妻年十九而夫卒苦節二十八  
年以勤儉終

祥符縣志

卷十五

列女

李

王氏邑人朱鼎鎮妻鼎鎮卒王年二十四子彪甫  
五歲明末寇起王避亂保身教子彪補諸生爲  
彪娶妻井氏未幾彪亦卒僅遺女四人姑婦操  
作治裝嫁人鄉黨稱雙節焉

張氏邑人張從善妻從善卒張守節四十餘年

單氏邑人王明倫妻明倫父病噎不能食服藥罔  
效夫婦割股進之卽愈

李氏邑人宋彪妻姑病割股療之尋愈

李氏邑人張表端妻端卒苦節撫孤終身莫渝



石文璠妻夫卒守節終身

吳氏邑人吳守貴女年十四適謝士訓士訓病危吳預蓄鵠以待及夫卒設床於柩側仰藥而死時年二十五康熙二十五年旌

許氏邑人趙煥妻夫卒年二十九四子皆幼許孝事姑杜氏杜以老壽終許殮葬如禮教四子俱成立欽任經歷命任賜任太學生榮任生員康熙三十三年旌

李九姐邑人李得正女有仝自光者強姦不從被

害康熙四十四年旌

楊氏邑人班爵妻爵卒楊年二十六守節三十一  
年康熙四十五年旌

陳氏邑諸生宋璜妻歸宋二載璜卒陳年二十一  
孝事舅姑守節教子雲章補邑弟子員康熙四  
十八年旌

劉老姐邑人劉常玉女有劉正宿者逼姦力拒不  
從被毆身死康熙五十五年旌

侯氏邑人蔡文秀妻夫卒守節其姑欲奪而嫁之



侯自縊死年二十四

閻氏邑人張應韶妻夫卒勺水不入口者三日旋自縊於夫棺之側有司旌其閭曰節烈凌霜

姚氏邑諸生艾實妻歸艾十二年而夫卒遺孤甚幼未踰年子亦殤以夫兄子嗣歎曰吾事畢矣遂不食死

李氏邑人張楫妻守寡五年父母欲奪而嫁之投繯死

張氏邑人殷有季妻夫卒欲殉以子幼止未幾子

殤乃墜井而亡

靳氏邑人盧廷宣妻廷宣弟廷緒析居別村伺兄出外懷刃求姦靳堅持大呼緒以刃刺其頰復刺其心而死雍正元年旌

李氏邑人孫顯貴妻貴卒李年二十六守節歷四  
十三年雍正三年旌

孫氏邑人張志孔妻結褵四載志孔卒孫年二十  
守節三十四年雍正四年旌

氏邑人蕭良妻良卒楊年二十二苦節四十二



年雍正四年旌

張氏邑人李大成妻大成卒李年二十七守節四十五年雍正五年旌

周氏邑人程兆祥妻兆祥卒周年二十守節歷三十餘年雍正五年旌

李氏邑人曹孟壽妻孟壽卒李年二十八苦節五十七年雍正五年旌

邵氏邑侯選縣丞何宗妻宗卒邵年二十八守節三十餘年雍正七年旌

祥符縣志

卷十五

列女

三

郭朴姐邑人父行襄與李四比隣其父母俱出外  
朴姐獨處執爨李四求姦不遂而逸朴姐抱憤  
赴李四後院自縊死雍正七年旌

張氏邑諸生劉戢妻戢卒張年二十七守節四十  
九年雍正十年旌

高氏邑人艾熙妻熙卒高年十七守節五十年雍  
正十二年旌

張雪姐邑人張國璽女許字同邑田登路未婚登  
路卒女年十八聞之誓死靡他未幾其母別



楊姓女夜伺母熟寐卽自縊死雍正十二年旌  
李氏邑人劉起鵬妻年二十一夫卒視殮畢投繯  
死

馬氏邑人劉鳳鳴妻年二十九而夫卒誓以身殉  
舅姑力勸止之守節三十七年乾隆元年請旌  
曹氏邑人陳紹先妻隣人王樹谷者窺曹獨處威  
逼求姦曹拒罵不污遂被殺乾隆元年旌

張氏邑人李振邦妻振邦卒張年二十八苦節四  
十餘年乾隆元年請旌

王氏邑人張崙妻事舅姑孝謹年二十一夫卒苦節三十餘年乾隆二年請旌

王氏邑太學生張永禔妻賦性端淑天性賢孝歸張七載而永禔卒王時年二十二事孀姑以純孝稱課子嚴而有法歷四十餘年子端揆爲太學生孫三長肇昆次肇昱皆有聲黌序乾隆二年旌

李氏邑人李文平妻夫卒守節三十九年乾隆二年請旌



陳氏邑人張希聖妻希聖卒陳年二十二守節終身乾隆三年旌

劉氏邑人宋玠妻玠卒劉守節四十餘年乾隆三年旌

吳氏邑人邵世華妻年二十五而夫卒守節五十年乾隆三年旌

王氏邑人楊守臻妻臻本袁姓出繼於楊故姓楊王歸楊未幾而臻卒王苦節終身乾隆三年旌

張氏邑人阮璫妻璫卒張年二十二苦節四十八

年乾隆三年旌

許氏邑人魏興邦妻興邦卒許年二十二歲守節三十餘年乾隆三年旌

郭氏邑人王璜妻十六歲歸王生一女璜卒郭苦節三十餘年乾隆三年請旌

陳氏邑人丁秀生妻歸丁一載年十八而夫卒撫遺腹子成立守節四十九年乾隆三年請旌

常氏邑人朱璠妻璠卒常撫子文錦成立娶子

李氏生一子文錦亦卒姑婦共勵霜操常守



三十一年李守節三十九年人欽雙節乾隆三  
年請旌

陳氏邑人段文炳妻夫卒守節歷三十餘年乾隆  
三年請旌

李氏邑人湯世祥妻年二十八而夫卒守節三十  
餘年乾隆三年請旌

張氏邑武生李橋妻橋卒張撫遺子蔚錦爲太學  
生守節三十餘年乾隆三年請旌

孫氏邑人杜煥妻夫卒撫孤成立事舅姑以孝守

祥符縣志

卷十五

列女

六

節五十餘年子珣以明經任上蔡訓導孫震鐸  
丁巳成進士乾隆三年請旌

徐氏邑人朱勲妻夫卒徐年二十三歲事舅姑能  
孝撫子良坤成立乾隆三年請旌

朱氏邑人王孫宣妻孫宣早卒舅姑憐其年少欲  
奪其志朱堅不從以十指所出措撐家政秩然  
有條乾隆三年請旌

楊氏邑人楊景紹女何一漣妻也一漣以心疾卒

楊奉老姑育幼子勸飭紡績俯仰咸賴戚黨奉



物遇才雋之士輒改容禮之諸生有貧者則出  
俸金以濟其不及提學陳講稱之曰此真人師  
矣乃命爲諸庠都講後遷海陽王教授比卒安  
肅諸生思之宗祀名宦

王教字庸之祥符人嘉靖癸未進士及第授翰林  
院編修與修會典陳時政十二事世宗嘉納之  
遷侍讀三分校會試所錄皆知名士充經筵講  
官遷國子監祭酒疏請薛瑄從祀識者韙其言  
尋兼右春坊右諭德祭酒兼宮僚自教始遷南

祥符縣志

卷十四 鄉望

完

京兵部右侍郎議以鹽引羨金辦漕舟料價民甚便之

高叔嗣字子業祥符人賦性穎特年十六著申情賦幾萬言登嘉靖癸未進士授工部營繕司主事改吏部稽勲司主事歷員外郎中與薛蕙輩相倡和名震一時會外戚蔣氏乞封叔嗣堅執不可忤執政意謝病歸築讀書圃于西郭外爲隱居計居三年起補前官復以失權貴意出爲

山西左叅政遷湖廣按察司卒于官年三十七



爲女宗乾隆三年請旌

王氏邑人薊成德妻成德早天王絕粒數日矢志  
殉夫復以姑老子勿勉進康強克盡孝慈厚遇  
親故凡守節五十五年乾隆三年請旌

衛氏邑人党夏延妻列有孝女之目及歸党營業  
亡舅孝養耄姑教子七人俱成立士伸尤知名  
人以女宗目之

徐氏邑人王蔚妻邑諸生徐允鳳女也列進內則  
女史諸書及歸王事舅姑最孝方有任而蔚卒

祥符縣志

卷十五

列女

表

徐痛不欲生祖姑勸以遺兒在腹乃勉爲未亡人及生子大豁以長以教遂克蔚望士林提學樊澤達旌其門後以歸寧卒於河北知縣卞永祐特許靈輿入城以彰高行乾隆三年請旌趙氏邑人竟逢佳妻佳子甫辟趙自經以殉家人救之甦更不言語號泣徹晝夜淚盡繼之以血水粒不入口越三日殞血而死

姚氏邑人杜尊會妻本貫杞縣守備姚國幹女也

十八歸杜二十八而夫亡姚以十指供舅姑甘



馬氏邑人盧出賢妻夫卒家貧子幼父母欲在  
志馬剪髮自誓撫子成立

張氏邑人文學福妻學福卒張守節撫孤終身

張氏邑人陳永楨妻夫卒子幼矢志靡他苦節教  
子卒至成立

徐氏邑人王基新妻基新父病徐割股煮粥食之  
遂愈

張氏邑人王符震妻基新孫婦也符震父病發  
背疽甚危張乃持長齋朝夕禱於神每日晝水

張不人口隆冬不衣纊冀以哀感天佑俄有信  
至門適以藥疽遂愈後珽與符震父子同登甲  
子鄉榜珽登乙丑進士父子俱顯仕路

李氏邑人陳進孝妻進孝卒李苦節撫孤歷終身  
婦氏性至孝家貧女侍母鍼紉井日間力代母勞  
不敢言瘁父邁危疾祈天求以身代父尋愈後  
適張氏劉會唯賴去汴六百里女既遠別父母  
音問杳然親歡女施轉調劑宗族稱之終以醫  
善其善為穎人汴人共哀之



張氏邑人鄭百朋妻姑孫氏早歿依祖姑老且善  
病張委曲事舅及繼姑甚著孝稱百朋渡河失  
足死張聞訃慟哭絕而復甦屢欲以身殉家人  
防衛甚嚴後乃好言以紿家人家人稍任之遂  
急遽投繯死學校歌咏其事觀察胡介祉爲之  
傳詳見藝文志

宋氏邑丞段杲妻杲病將死宋割股療之病尋愈  
官旌其門

霍氏邑人朱泰交妻性至孝割股療姑及夫卒撫



子成立官旌之

高氏邑人趙映黻妻映黻死高苦節四十餘年

甄氏邑人石自省妻夫卒守節值明季兵荒賊決

水灌城沈携二子辛苦逸出獲全子洪極孫文

耀皆餽於庠

張氏邑人耿介妻嘗割股療姑病夫病亦割股療

之後守節終

宋氏邑人毛之駿妻少年喪夫守節終身族人毛

贊妻方氏亦終身苦節



